

LA CONTA DOU RAT SAINT-VINCENT (HENRIETTE BOCHET)



Padze 1

En pasèn dézot na QUENDA, in RAT y at stchanca-che eun toquet dé PÉ.

Padze 2

Lo rat vat en tsi lo TCHAVATÉN é ieu dit :

« Tchavatén, pé pîjî, tacouna-mé la pé qué n'èi stchanca-me en pasèn dizot la quenda ! ».

« Bièn cheur ! » ieu répòn lo tchavatén « Ma pe sen lai n'èi manca dé PÈI DOU GADÉN ».

Padze 3

Lo rat vat en tsi lo GADÉN é ieu dit :

« Gadén, pé pîjî, dounna-mé dé pèi pé porté ou tchavatén ! ».

« Bièn cheur ! » ieu répòn lo gadén « Ma pe sen lai n'èi manca dé FAREUNNA ».

Padze 4

Lo rat vat en tsi lo MOLÉNÍ é ieu dit :

« Molénî, pé pîjî, dounna-mé dé fareunna pé porté ou gadén ! ».

« Bièn cheur ! » ieu répòn lo molénî « Ma pe sen lai n'èi manca dé BIÀ, pé fare la fareunna ».

Padze 5

Lo rat vat vére lo TSAN é ieu dit :

« Tsan, pé pîjî, dounna-mé dé bià pé porté ou molén-é ! ».

« Bièn cheur ! » ieu repòn lo tsan « Ma pe sen lai n'èi manca dé FUMÌ, pé fare crétre lo bià ».

Padze 6

Adòn lo rat va en tsi la VATSE é ieu dit :

« Vatse, pé pîjî, dounna-mé dé fumî pé porté ou tsan ! ».

« Bièn cheur ! » ieu répòn la vatse « Ma pe sen lai n'èi manca dé FEN ».

Padze 7

Lo rat va vére lo PRA é ieu dit :

« Pra, pé pîjî, dounna-mé dé fen pé porté a la vatse ! ».

« Bièn cheur ! » ieu rehpòn lo pra « Ma pe sen lai n'èi manca d'ÉVE, pé fare crétre lo fen ».

Padze 8

É lo rat va vére lo RU é ieu dit :

« Ru, pé pîjî, dounna-mé d'éve pé porté ou pra ! ».

Padze n. 9

Adòn lo RU dounne l'ÉVE ou RAT qué la pourte ou PRA ;
é lo PRA ieu dounne dé fen qué lo rat pourte a la VATSE ;
é la VATSE ieu dounne dé FUMÌ qué lo rat pourte ou TSAN ;
é lo TSAN ieu dounne dé BIÀ qué lo rat pourte ou MOLÉNÌ ;
é lo MOLÉNÌ ieu dounne dé FAREUNNA qué lo rat pourte ou GADÉN ;
é lo GADÉN ieu dounne dé PÈI qué lo rat pourte ou TCHAVATÉN ;
é lo TCHAVATÉN ieu tacoune la PÉ qué lo rat y a stchanca-che en pasèn dézot la QUENDA !